

## 【感懷】

月滿京華 一中秋節中國作協招待在北京賞月

剝復盈虛造物情，循環有道故園清。  
滿簾秋色楓含醉，幾樹蟬聲菊吐榮。  
且樂壇根歌雅韻，休辭玉盞賞奇英。  
京華月滿人皆望，祓暑金風一鏡明。

### 端午詩人節

滋蘭樹蕙古今情，墜緒重尋導正聲。  
壇坫有緣逢雋逸，汨羅無極念高名。  
忠凌日月千秋仰，義響風雷百代宏。  
芳杜清蓮塵網外，天然爽籟起嚶鳴。

### 恭賀母校中山大學八十校慶

巍峨鬢宇立南天，化雨春風八十年。  
作育英才揚後世，專攻學術勝前賢。  
人文舊典經綸治，科技新知日月遷。  
校慶良辰齊晉祝，中山教澤頌聲傳。

### 登滕王閣 一和張正平博士弔王勃元玉

極目難尋遠逝舟，天涯海角詠魂浮。  
滕王閣內千年興，交趾衙中萬斛愁。  
作賦遣詞人獨愛，拋簪棄笏孝長留。  
神童帝子皆何在，驚捲西風咽未休。